

HEADLINES

- ۱۔ وزیر اعظم نریندر مودی پلک تین سائپرس کنیڈا تے کروشیا غا 5 روزہ دورا ور روانہ ویں غا۔
- ۲۔ لیفٹیننٹ گورنر منوج سنہا نے کہیو کہ وکست کرشی سنکپ ابھیان مرکز غا زیر انتظام علاقہ مانہہ ایک مضبوط جدید تے خوشحالی زرعی منظر نامہ غی تشکیل غی جانب ایک تبدیلی لیانو آلو قدم ہے۔
- ۳۔ لیفٹیننٹ گورنر منوج سنہا نے پہلگام حملہ مانہہ ماریا گیا شہید عادل غی بیوی نانہہ سرکاری ملازمت غو تقرری نامو سوپیو ہے۔
- ۴۔ ایگزیم چار مشن جس مانہہ بھارتی خلا باز شہبانشو شکلا شامل ہیں 19 جون نانہہ لانچ وے غو۔
- ۵۔ جموں کشمیر مانہہ آئندہ 6 دنوں واسطے شدید گرمی غے پیش نظر اورینج تے یلو الرٹ جاری کردتو گیو ہے۔

PM VISIT

وزیر اعظم نریندر مودی پلک 5 روزہ دورہ ور کانپرس کنیڈا تے کروشیا روانہ ویں گا کانپرس گا صدر غی دعوت ور وزیر اعظم مودی پلک سرکاری دورہ ور کانپرس پُجے غا۔ یوہ 2 دہائیاں وچوں کسی بھارتی وزیر اعظم گو پہلو کارپرس دورو وے غو۔ دورا غ ادوجا مرحلہ مانہہ وزیر اعظم مودی کنیڈا غا وزیر اعظم غی دعوت ور 16 جون نانہہ کنیڈا غا علاقہ کاتاناکس جین گا جے وے جی 7 اجلاس مانہہ شرکت کریں گا۔ دورہ غا آخری مرحلہ مانہہ وزیر اعظم 18 جون نانہہ کروشیا غو سرکاری دورو کریں گا یوہ کسی وی بھارتی وزیر اعظم غو پہلو کروشیا غو دورو وے غو جہیرو دواں ممالک غے درمیان تعلقات نانہہ بدھاوے غو۔

LG VIKSIT BHARAT

لیفٹیننٹ گورنر منوج سنہا نے کہیو ہے جے وکست کرشی سنکپ ابھیان پہل مرکزے زیر انتظام علاقہ مالک لچکدار، جدید تے خوشحالی زرعی زمین کی تزیین کی تعمیر آئے پاسے اک تبدیلی گو قدم ہے۔ ایل جی منوج سنہا نے یاه گل اج کھڈوانی کولگام ماوکست کرشی سنکپ ابھیان کی اختتامی تقریب سنگ ور اک پوسٹ مائل جی دفتر نے لکھیو جے مہارو حتمی مقصد جموں کشمیر یوٹی X خطاب کرتاں کہی۔ گاہر کسان ناں 2047 توڑی وکست بھارت بنن گا بھارت گاسفر مالک قابل فخر حصے دار بنانویں۔ انہاں نے مزید کہیو جے ہم اک مضبوط زرعی معیشت بنان، گرانیں روزگار گامواقع بدھان تے کساناں کی آمدنی بدھان واسطے پر عزم ہاں۔

VIKSIT KRISHI SAMBA

سکاسٹ جموں کساناں نانہہ وکست کرشی سنکپ ابھیان 2025 غے تحت جدید معلومات فراہم کر غے سرکاری سکیمان نانہہ موثر انداز مانہہ نافز کرن مانہہ ان غی مدد کر رہیو ہے کساناں غی مشترکہ فلاح واسطے کرشی وگیان کیندر سانبہ نے محکمہ زراعت سانبہ تے دیگر محکماں گے نال مل غے ملک غا سب تیں بڑا وکست کرشی سنکپ ابھیان مانہہ حصو لیو۔ پروفیسر سنجے کھجوریہ ضلع سطح ور اس پروگرام غا نگران تے کرشی وگیان کیندر سانبہ غا چیف سائنسدان نے کہیو کہ اس غو مقصد کساناں تیں براہ راست گل بات کرنو ہے تے اُن گا مسائل نانہہ سمجھنو ہے تے خدمات نانہہ بہتر بنان واسطے اُن غی رائے لینو ہے۔

LG - SYED ADIL

لیفٹیننٹ گورنر منوج سنہا نیاننت ناگ ما شہید سید عادل حسین کی رہائش گاہ گو دورو کی؟ و - سید عادل حسین نے 22 اپریل ناں پہلگام ما دہشت گرداں کی گولیاں تیں سیلانیان کی حفاظت کرتاں اپنی جان کو نذرانو پیش کیو تھو ایل جی منوج سنہا نے عادل حسین کا کہر آلاں سنگ ملاقات کی۔ انہاں نے ہمدردی کی بنیاد ور شہیدگی کہر آلی گلناز اخترناں تقرری گو خط حوالے کیو۔ لیفٹیننٹ گورنر نے کہیو جے پورا ملک ناں عادل کی بہادری ور فخر بے جس نے 22 اپریل ناں پہلگام ماں سیلانیان کی حفاظت کرتاں اپنی جان قربان کی تھی۔ ایل جی موصوف نے مزید کہیو جے شہید عادل حسین کی کہر آلی ناں سرکاری نوکری دینو مہارا گہرا تشکر کی علامت ہے۔ انہاں نے مزید اس طرح کہیو۔

JADHAV YOGA

آیوش گا وزیر پرتاب راؤ جادھو نے ج کہیو جے یوگا عالمی بہبود واسطے بھارت کی خواہش کی یوگا کنکٹ سنگ نویں دہلی ما خطاب کرتاں انہاں نے کہیو جے - Summitنمائندگی کرے۔ عالمی یوگا اس ویلے انسانیت پوری دنیا ما بکھ بکھ مشکلات گو سامنو کر رہی ہے انہاں نے مزید کہیو جے یوگا عالمی امن واسطے بھارت کی طرفوں دنیا ناں اک تحفو تے میراث ہے۔ وزیر موصوف نے زور دے گے کہیو جے یوگا، مذہب، جنس تے زبان کی حدان تیں پاک ہے تے بچاں تیں لے گے بڑھاں تے غریباں تیں لے گے امیراں توڑی ساراں کی پہونچ گے اندر ہے۔ انہاں نے سرکاری ادارہ گو حوالد تو گزشتہ دہائی گے دوران (33) فیصد لوکاں نے بین الاقوامی یوگا تیہاڑا تقریب ما حصولیو ہے۔

AXIOM 4

بین العوامی خلائی سٹیشن واسطے جان آلا تجارتی مشق ایگزیم چار جس مانہ بھارتی خلف باز شہبانشو سکلا تے دیگر ترے افراد شامل ہیں ہن 19جون نانہ لانچ کیو جے غو۔ اس گل غو اعلان بھارتی خلائی تحقیقی ادارو ایسرو نے اج کیو۔ مرکزی وزیر مملکت برائے سائنس و ٹیکنالوجی تے خلائی امور ڈاکٹر جتندر سنگھ نے سماجی ذرائع ابلاغ غے زریعے اس نوی تاریخ بارے آگاہ کرایو۔ انہاں نے دسیو کہ یوہ مشن پہلاں 11جون نانہ ناسا غا کنیڈی سپیس مرکز فلوریڈا تیں روانہ ہونو تھو لیکن سپیس ایکس غا فلکان 9 راکٹ مانہ ایندھن غا خراج تے پھر بین العوامی خلائی سٹیشن غا روسی حصہ مانہ لیکچر غے باعث یوہ تاخیر غو شکار ہوو۔

WORLD DONOR DAY

اج خون غا عطیو دین آلا افراد بارے عالمی تہاڑو مانیو جارہیو ہے بھارتی دیڈ کرس سوسائٹی کٹھوعہ نے گورنمنٹ میڈیکل کالج کٹھوعہ غا کون منتقلی غ اشعبہ غا تعاون تیں خون عطیہ کیمپ غو انعقاد کیو اس کیمپ غو افتتاح ایڈیشنل ڈپٹی کمشنر کٹھوعہ وشواجیت سنگھ نے کیو۔ اس موقع ور مختلف عمر غا رضا کاراں نے بڑھ چڑھ غے حصو لیو تے 40تیں زیادہ خون غا یونٹ عطیہ کیا۔ اسی طرح گورنمنٹ ڈگری کالج کشتواڑ غی این سی سی یونٹ نے ضلع اسپتال کشتواڑ غے نال مل غے کالج مانہ ایک خون عطیہ کیمپ غو کامیاب انعقاد کیو۔

ENTREPRENEURSHIP MELA

نوجوانان مانہ خود روز گاری تے کاروباری ذہن نانہ فروغ دین غا مقصد تیں مشن یووا غے تحت اج ضلع روز گار و مشاورت مرکز جموں غی جانب تیں ایک کاروباری میلہ نانہ منعقد کیو گیو۔ یوہ میلو ڈپٹی کمشنر جموں سچن کمار ویشیا غی ہدایت ور منعقد ہوو جس مانہ نوجوانان روزگار غا خواہش منداں تے نوا کاروباری افراد نے خوش و خروش تیں حصو لیو۔ ڈپٹی ڈائریکٹر روز گار جموں

سونینا سینی نے شرکاء نانہ مشن یووا غا مقصد تیں آگاہ کیو میلہ غو مقصد مشن یووا سکیم غا بارا مانہ شعور پیدا کرنو تے ممکنہ مستحقین غی شناخت کرنو تھو۔ ذرائع ابلاغ سنگ گل کرتا وان سونینا سینی نے اس طرح کہیو۔

WEATHER

ہون موسم گی جانکاری - گزشتہ شام ہون آلی بارش سنگ خطہ ماں چلچلاتی گرمی تیں ہلکی جی راحت ملی ہے۔ البتہ محکمہ موسمیات نے اگلا چھ 6 دن واسطے سنگتری تے پیلا الرٹس گی پیشن گوئی کی ہے۔ جس ما 19 جون توڑی تیز ہواؤں گا امکان گے نال نال شدت کی گرمی گی پیشن گوئی کی گئی ہے۔ لوکان ناں مشورو دتو گیو ہے جے وے زیادہ مقدار ما پانی پینیں اور 12 بجائیں 4 بجائیں توڑی انتہائی گرمی گے دوران باہر نکلن تیں پر ہیز کریں۔ اس دوران جموں شہر ما کل زیادہ تیں زیادہ درجہ حرارت (43) عشاریہ 6 ڈگری سیلیس ریکارڈ کیو گیو۔ کٹرا ما زیادہ تیں زیادہ درجہ (39) عشاریہ 5 ڈگری سیلیس ریکارڈ کیو گیو جد کہ، بانہال، بٹوت اور بھدرواہ ما بالترتیب 31 عشاریہ 8 - ڈگری سیلیس۔ 31 عشاریہ 6 تے 30 عشاریہ 8 ڈگری سیلیس ریکارڈ کیو گیو

PROG ANNOUNCEMENT YOGA DAY

آکاشوانی جموں گا علاقائی نیوز یونٹ غی طرفوں آنیندہ 18 جون نانہ سویر 7 بجے غے 10 منٹ ور بین العقوامی یوگا تہاڑہ غی مناسبت سنگ 20 منٹاں ور مبنی اک پروگرام نشر کر یگو اس پروگرام مانہ معروف یوگا اچاریہ ڈاکٹر سجاتا ساتھو یوگا غی اہمیت بارے اپنا ماہرانہ خیالات غو اظہار کریں گی اس پروگرام غی میزبانی کریں غا مارا انکر کُنال شری وٹس تے شروتی کھجور بہ سامعین نانہ اس معلوماتی پروگرام مانہ سنن غی خاطر آکاش وانی نیوز غا میڈین ویو 990 کلو ہٹز تے ایف ایم 100.3 میغا ہٹز ور ٹیون کرن غی صلاح دتی گئی ہے۔

ANNOUNCEMENT PTC

علاقائی خبراں آلا شعبہ آکاشوانی جموں غی طرفوں ضلع کٹھوعہ واسطے عارضی نامہ نگار یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہیزا ضلع کٹھوعہ گا بسنیک وین تے اُن غی عمر 24 براں تیں 50 براں غے بشکا ر وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربہ مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربہ وی ضروری ہے۔ عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں 10 کلو میٹر غادانرہ غے اندر رہائش رکھتو وے اس سلسلہ مانہ درخواست غی ہارڈ کاپی ضروری دستاویزات

غے ہمراہ ہیڈ ريجنل نیوز یونٹ آکاشوانی پنچترتھی جموں مانہ بزات خود آنیندہ 15 جون توڑی دے سکیں۔ اس بارے مزید جانکاری ویب سائٹ

www.newsonair.gov.in

ور دستیاب ہے۔
